



**სსიპ სახელმწიფო
შესყიდვების
სააგენტო**

21 / თებერვალი / 2025 წ.



KA080149939203725

№ 646

განკარგულება

შპს „ლიფტის კომპანიის“ შავ სიაში დარეგისტრირების შესახებ

შემსყიდველი ორგანიზაცია: ქალაქ თბილისის მუნიციპალიტეტის მერიის მთაწმინდის რაიონის გამგეობა;

ტენდერის ნომერი: NAT240023408;

შესყიდვის ობიექტი: 45300000 – სამშენებლო-სამონტაჟო სამუშაოები;

პრეტენდენტი: შპს „ლიფტის კომპანია“ (ს/ნ: 405579075);

წერილობითი შეტყობინების საფუძველი: ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენა.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2025 წლის 23 იანვარს წარმოდგენილ იქნა ქალაქ თბილისის მუნიციპალიტეტის მერიის მთაწმინდის რაიონის გამგეობის 2025 წლის 23 იანვრის № 38-0125023372 წერილობითი შეტყობინება (რეგისტრაციის № 572), რომლითაც სააგენტოს ეცნობა NAT240023408 ელექტრონული ტენდერიდან პრეტენდენტის – შპს „ლიფტის კომპანიის“ (ს/ნ: 405579075) დისკვალიფიკაციის შესახებ ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

1.2. სააგენტომ პრეტენდენტს, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის ElevatorCompany.LLC@gmail.com მეშვეობით, 2025 წლის 28 იანვრის № 221 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. პრეტენდენტს განმარტება არ წარმოუდგენია.

2. შემსყიდველი ორგანიზაციის პოზიცია

2.1. შემსყიდველი ორგანიზაციის წერილობითი შეტყობინების თანახმად, პრეტენდენტმა 2024 წლის 24 დეკემბერს NAT240023408 ელექტრონულ ტენდერში დაზუსტებული ტექნიკური დოკუმენტაციის სახით, სხვა დოკუმენტებთან ერთად, წარადგინა Szutest Uygunluk Degerlendirme A.S.-ის მიერ გაცემული სრული ხარისხის

უზრუნველყოფის № 2195-LD-2334801 სერთიფიკატი ლიფტებისთვის, რომელშიც სერთიფიკატის გაცემის საფუძვლად მითითებულია 2023 წლის 25 ნოემბრის № LD-234926 შესაბამისობის შეფასების ანგარიში.

2.2. Szutest Uygunluk Degerlendirme A.S.-ის ლიფტის განყოფილების მენეჯერის 2025 წლის 20 იანვრის ელექტრონული ფოსტის შეტყობინებით შემსყიდველ ორგანიზაციას ეცნობა, რომ სერთიფიკატის მოქმედების თარიღი შეცვლილი იყო მასში შესწორებების შეტანით. ამავე ელექტრონული ფოსტის შეტყობინებით შემსყიდველ ორგანიზაციას გადაეგზავნა ორიგინალი № 2195-LD-2334801 სერთიფიკატი, სადაც სერთიფიკატის გაცემის საფუძვლად მითითებულია 2024 წლის 12 ნოემბრის № LD-234926 შესაბამისობის შეფასების ანგარიში.

2.3. გემოლანიშნულიდან გამომდინარე, შემსყიდველი ორგანიზაციის სატენდერო კომისიამ 2025 წლის 25 იანვრის №5 სხდომის ოქმით, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „8“ ქვეპუნქტის საფუძველზე, შპს „ლიფტის კომპანია“ (ს/ნ: 405579075) მისცა დისკვალიფიკაცია ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

3. პრეტენდენტის პოზიცია

ადმინისტრაციული წარმოების ფარგლებში პრეტენდენტს განმარტება არ წარმოუდგენია.

4. სააგენტოს მიერ დადგენილი გარემოებები

4.1. 2024 წლის 28 ნოემბერს ქალაქ თბილისის მუნიციპალიტეტის მერიის მთაწმინდის რაიონის გამგეობამ გამოაცხადა NAT240023408 ელექტრონული ტენდერი სამშენებლო-სამონტაჟო სამუშაოების (CPV45300000) შესყიდვის მიზნით.

4.2. NAT240023408 ელექტრონულ ტენდერში მონაწილეობა მიიღო შპს „ლიფტის კომპანია“ (ს/ნ: 405579075).

4.3. სატენდერო დოკუმენტაციის 2.7.1.3 პუნქტის თანახმად, პრეტენდენტს უნდა გააჩნდეს მონტაჟის უფლების საერთაშორისო/ევროპული სტანდარტის შესაბამისობის სერთიფიკატი ISO ან IEC ან CEN ან CENELEC („მოდული H1“-შესაბამისობა დაფუძნებული ხარისხის სრულ უზრუნველყოფასა და პროექტის შემოწმებაზე).

4.4. პრეტენდენტმა 2024 წლის 24 დეკემბერს NAT240023408 ელექტრონულ ტენდერში დაზუსტებული ტექნიკური დოკუმენტაციის სახით, სხვა დოკუმენტებთან ერთად, წარადგინა Szutest Uygunluk Degerlendirme A.S.-ის მიერ გაცემული სრული ხარისხის უზრუნველყოფის №2195-LD-2334801 სერთიფიკატი ლიფტებისთვის, რომელშიც სერთიფიკატის გაცემის საფუძვლად მითითებულია 2023 წლის 25 ნოემბრის № LD-234926 შესაბამისობის შეფასების ანგარიში.

4.5. შემსყიდველმა ორგანიზაციამ № 2195-LD-2334801 სერთიფიკატის გადამოწმების მიზნით 2024 წლის 17 იანვრის ელექტრონული ფოსტის შეტყობინებით მიმართა Szutest Uygunluk Degerlendirme A.S.-ს და გადაუგზავნა მიმწოდებლის მიერ წარდგენილი სერთიფიკატი.

4.6. Szutest Uygunluk Degerlendirme A.S.-ის ლიფტის განყოფილების მენეჯერის 2025 წლის 20 იანვრის ელექტრონული ფოსტის შეტყობინებით შემსყიდველ ორგანიზაციას ეცნობა, რომ სერთიფიკატის მოქმედების თარიღი შეცვლილი იყო მასში შესწორებების შეტანით. ამავე ელექტრონული ფოსტის შეტყობინებით შემსყიდველ ორგანიზაციას გადაეგზავნა ორიგინალი № 2195-LD-2334801 სერთიფიკატი, სადაც სერთიფიკატის გაცემის საფუძვლად მითითებულია 2024 წლის 12 ნოემბრის № LD-234926 შესაბამისობის შეფასების ანგარიში.

4.7. გემოლანიშნულიდან გამომდინარე, შემსყიდველი ორგანიზაციის სატენდერო კომისიამ 2025 წლის 25 იანვრის №5 სხდომის ოქმით, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „8“ ქვეპუნქტის საფუძველზე, შპს „ლიფტის კომპანია“ (ს/ნ: 405579075) მისცა დისკვალიფიკაცია ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „ლიფტის კომპანია“ უნდა დარეგისტრირდეს შავ სიაში.

6. გამოყენებული სამართლებრივი აქტები

„სახელმწიფო შესყიდვების შესახებ“ საქართველოს კანონი, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანება, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის პირველი პუნქტის თანახმად, ელექტრონული ტენდერის შემთხვევაში, პრეტენდენტის შავ სიაში დარეგისტრირების საფუძველია, თუ იგი დისკვალიფიცირებულია ტენდერიდან ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეკერების შედეგად, სააგენტო ადგენს, არსებობს თუ არა პრეტენდენტის/ მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/ მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/ მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/ მიმწოდებლის გაფრთხილების ან შავ სიაში დარეგისტრირების შესახებ.

7.3. სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ზ“ ქვეპუნქტის თანახმად, პრეტენდენტი ექვემდებარება დისკვალიფიკაციას, თუ იგი ხელშეკრულების დადების უფლების მოპოვების მიზნით ჩაიდენს არაკეთილსინდისიერ ქმედებას.

7.4. „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „შ“ ქვეპუნქტის თანახმად, აფიდავიტი წარმოადგენს წერილობით დოკუმენტს, რომლის ხელმოწერილი ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აცემს აღნიშნული ინფორმაციისა და გარემოებების უტყუარობისთვის. ამასთან, „ელექტრონული ტენდერის ჩატარების წესის“ დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანების დანართის № 1-ით დამტკიცებული აფიდავიტის ფორმისა და პირობების მიხედვით, გამოცხადებულ ტენდერში/ კონკურსში მონაწილეობის მიღების მიზნით პრეტენდენტი ადასტურებს, რომ მას არ წარუდგენია მცდარი ინფორმაცია, რაც იცოდა ან უნდა სცოდნოდა პრეტენდენტს, ხოლო აფიდავიტის პირობების დარღვევის შემთხვევაში, იგი მიიღებს დისკვალიფიკაციას ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

7.5. განსახილველ შემთხვევაში, სააგენტო ყურადღებას ამახვილებს შემსყიდველი ორგანიზაციის სატენდერო კომისიის 2025 წლის 25 იანვრის № 5 სხდომის ოქმით დადგენილ გარემოებაზე, კერძოდ, Szutest Uygunluk Degerlendirme A.S.-ის ლიფტის განყოფილების მენეჯერის 2025 წლის 20 იანვრის ელექტრონული ფოსტის შეტყობინებაზე, რომლითაც შემსყიდველ ორგანიზაციას ეცნობა, რომ პრეტენდენტის მიერ 2024 წლის 24 დეკემბერს NAT240023408 ელექტრონულ ტენდერში წარდგენილი № 2195-LD-2334801 სერთიფიკატის მოქმედების თარიღი შეცვლილი იყო მასში შესწორებების შეტანით. ამავე ელექტრონული ფოსტის შეტყობინებით შემსყიდველ ორგანიზაციას გადაეგზავნა ორიგინალი № 2195-LD-2334801 სერთიფიკატი, სადაც სერთიფიკატის გაცემის საფუძველად მითითებულია 2024 წლის 12 ნოემბრის № LD-234926 შესაბამისობის შეფასების ანგარიში (პრეტენდენტის მიერ წარდგენილ დოკუმენტში სერთიფიკატის გაცემის საფუძველად მითითებულია 2023 წლის 25 ნოემბრის № LD-234926 შესაბამისობის შეფასების ანგარიში). შესაბამისად, სააგენტო მიიჩნევს, რომ სახეზეა აფიდავიტის პირობების დარღვევა და NAT240023408 ელექტრონულ ტენდერში პრეტენდენტის მიერ ხელშეკრულების დადების უფლების მოპოვების მიზნით ჩადენილ იქნა არაკეთილსინდისიერი ქმედება, რის გამოც არსებობს შპს „ლიფტის კომპანიის“ შავ სიაში დარეგისტრირების საფუძველი.

7.6. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/ მიმწოდებლის მანამდე მიღებული გაფრთხილების ან/და შავ სიაში რეგისტრაციის ფაქტ(ებ)ს.

7.7. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი. ამავე მუხლის მე-7 პუნქტის თანახმად, თუ დადგინდა, რომ პრეტენდენტმა/ მიმწოდებელმა ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება, იგი ექვემდებარება შავ სიაში რეგისტრაციას და მის მიმართ გაფრთხილება არ გამოიყენება.

7.8. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა პრეტენდენტის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველი, რადგან დგინდება, რომ შპს „ლიფტის კომპანია“ (ს/ნ: 405579075)

NAT240023408 ელექტრონულ ტენდერში ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება. შესაბამისად, შპს „ლიფტის კომპანია“ უნდა დარეგისტრირდეს შავ სიაში.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 და მე-7 პუნქტებით და დაადგინა:

1. შპს „ლიფტის კომპანია“ (ს/ნ: 405579075) 2025 წლის 24 თებერვალს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერა/ 
შტამპდასმულია
ელემენტარულად

ლევან რაზმაძე